



MEMORIA XUSTIFICATIVA DO CONVENIO ENTRE A ADMINISTRACIÓN XERAL DO ESTADO, A TRAVÉS DA PRESIDENCIA DO CONSELLO SUPERIOR XEOGRÁFICO, E A ADMINISTRACIÓN DA COMUNIDADE AUTÓNOMA DE GALICIA, A TRAVÉS DA CONSELLERÍA DE MEDIO AMBIENTE, TERRITORIO E VIVENDA POLO QUE A COMUNIDADE AUTÓNOMA DE GALICIA SE INTEGRA NO SISTEMA CARTOGRÁFICO NACIONAL

(1) O Instituto de Estudos do Territorio (IET), organismo autónomo da Xunta de Galicia, adscrito á Consellería de Medio Ambiente, Territorio e Vivenda, creado pola Lei 6/2007, do 11 de maio, de medidas urxentes en materia de ordenación do territorio e do litoral de Galicia, en virtude do mandato recollido na Lei 10/1995, do 23 de novembro, de ordenación do territorio de Galicia, e cuxos estatutos foron aprobados polo Decreto 244/2011, do 29 de decembro, modificados posteriormente polo Decreto 14/2017, do 26 de xaneiro, polo que se aproba o Regulamento de ordenación da información xeográfica e da actividade cartográfica de Galicia, exerce, entre outras, as seguintes funcións:

- Realizar traballos de investigación, análise, estudo e difusión sobre urbanismo e ordenación do territorio, e en particular, o impulso da cooperación con todas as administracións públicas con competencia no territorio, especialmente coas administracións locais, co fin de promover o desenvolvemento de políticas comúns, debidamente coordinadas e programadas, que aseguren o cumprimento dos fins de protección, xestión e ordenación anteriormente sinalados.
- Prestar asistencia e asesoramento aos concellos de Galicia para a elaboración do planeamento urbanístico e a xestión e execución do planeamento, co fin de implementar as políticas de paisaxe na planificación urbanística e territorial .
- A recompilación e o tratamento da información do territorio galego, así como a produción cartográfica para as diferentes consellerías e organismos públicos da Comunidade Autónoma de Galicia, especialmente en materia agraria e de desenvolvemento rural, o que inclúe, en particular:
 - Coordinación e difusión da información xeográfica e cartográfica necesaria para o desenvolvemento dos estudos territoriais e urbanísticos das diferentes consellerías e organismos públicos da Comunidade Autónoma, así como o apoio técnico á difusión e formación de actuacións en materia de información xeográfica desenvolvidas pola Xunta de Galicia ou en coordinación con ela.



- Xestionar os sistemas de información corporativos vinculados ao territorio a partir das bases de datos cartográficas e espaciais existentes na consellería e no resto dos órganos da Administración xeral e entidades do sector público autonómico de Galicia que así o demanden, así como calquera outra información que se poida localizar sobre o territorio e que sexa susceptible de ser incorporada coa súa referencia xeográfica para a xestión da Infraestrutura de datos espaciais de Galicia (IDEG).

- Incentivar a innovación, a adopción e o desenvolvemento de tecnoloxías e infraestruturas propias no campo de información xeográfica do territorio galego. Así mesmo, abordarase a planificación e o desenvolvemento de servizos de valor engadido e de novos sistemas e aplicacións en materia de información xeográfica para Galicia.

(2) Antecedentes:

- Que o Real Decreto 1545/2007, do 23 de novembro, polo que se regula o Sistema Cartográfico Nacional, no seu artigo 2, apartado 1, establece que o Sistema Cartográfico Nacional persegue o exercicio eficaz das funcións públicas en materia de información xeográfica mediante a coordinación da actuación dos diferentes operadores públicos cuxas competencias concorren neste ámbito.

- Que no seu artigo 3, apartado 2. b), o dito Real Decreto establece que formarán parte do Sistema as entidades que teñan atribuídas as funcións de recollida, almacenamento, tratamento ou difusión de información xeográfica na Administración das Comunidades Autónomas, e as entidades do sector público autonómico, sempre que manifesten a súa vontade de integrarse nel.

- Que no seu artigo 3, apartado 5, o dito Real Decreto establece que as Administracións autonómicas e locais que soliciten integrarse no Sistema participarán plenamente nel a partir da subscripción dun convenio coa Administración Xeral do Estado.

- O 1 de xuño de 2010 formalizouse o convenio de colaboración coa Administración Xeral do Estado en virtude do cal, a Comunidade Autónoma de Galicia, se integra no Sistema Cartográfico Nacional e desenvolve no seu territorio determinados contidos do Real Decreto 1545/2007, de 23 de novembro, polo que se regula o Sistema Cartográfico Nacional.

- O Decreto 14/2017, do 26 de xaneiro, polo que se aproba o Regulamento de ordenación da información xeográfica e da actividade cartográfica de Galicia, establece que a ordenación da información xeográfica e da actividade cartográfica en Galicia lévaa a cabo a Xunta de Galicia de conformidade co disposto no indicado regulamento, que desenvolve, parcial e puntualmente, o



disposto na Lei 14/2010, do 5 de xullo, sobre as infraestruturas e os servizos de información xeográfica de España atendendo ás especialidades derivadas da súa organización propia como comunidade autónoma, así como a Lei 7/1986, do 24 de xaneiro, e o Real Decreto 1545/2007, do 23 de novembro,

(3) **Finalidade** Para os efectos sinalados, tense previsto formalizar co Consejo Superior Geográfico, o instrumento convencional arriba referido por un período de vixencia de 4 anos, salvo a prórroga por acordo mutuo das partes antes da súa finalización para o cumprimento da finalidade nel establecida.

(4) Este convenio **ten por obxecto** a integración efectiva da Comunidade Autónoma de Galicia no Sistema Cartográfico Nacional, segundo establece o Real Decreto 1545/2007, do 23 de novembro, polo que se regula o Sistema Cartográfico Nacional. Para estes efectos, a responsabilidade autonómica do cumprimento deste Convenio recae na Consellería de Medio Ambiente, Territorio e Vivenda da Xunta de Galicia cuxa titular exerce a presidencia do Instituto de Estudos do Territorio; e por parte do Consello Superior Geográfico a responsabilidade recae na súa Secretaría Técnica, que desempeña a Dirección Xeral do Instituto Geográfico Nacional (IGN).

(5) O instrumento convencional que se pretende asinar **fundaméntase no seguinte**:

- O Real Decreto 1545/2007, do 23 de novembro, polo que se regula o Sistema Cartográfico Nacional, no seu artigo 2, apartado 1, establece que o Sistema Cartográfico Nacional persegue o exercicio eficaz das funcións públicas en materia de información xeográfica mediante a coordinación da actuación dos diferentes operadores públicos cuxas competencias concorren neste ámbito, cos obxectivos seguintes:

a) Garantir a homoxeneidade da información producida polos organismos públicos que formen parte del e que de maneira concorrente desenvolven actividades cartográficas no territorio nacional, para asegurar así a coherencia, continuidade e interoperabilidade da información xeográfica sobre o territorio español.

b) Favorecer a eficiencia no gasto público destinado a cartografía e sistemas de información xeográfica, evitando a dispersión e duplicidade dos recursos públicos utilizados e promovendo a cooperación interinstitucional.

c) Asegurar a dispoñibilidade pública e actualización dos datos xeográficos de referencia.



d) Optimizar a calidade da produción cartográfica oficial e a súa **utilidade** como servizo ao público, facilitando o acceso á información xeográfica e favorecendo a **competitividade** do sector cartográfico privado.

- No seu artigo 3, apartado 2. b), o dito Real Decreto establece que formarán parte do Sistema as entidades que teñan atribuídas as funcións de recollida, almacenamento, tratamento ou difusión de información xeográfica na Administración das Comunidades Autónomas, e as entidades do sector público autonómico, sempre que manifesten a súa vontade de **integrarse** nel.
- No seu artigo 3, apartado 5, o dito Real Decreto establece que as Administracións autonómicas e locais que soliciten integrarse no Sistema **participarán** plenamente nel a partir da subscripción dun convenio coa Administración Xeral do Estado.
- O Decreto 14/2017, do 26 de xaneiro, polo que se aproba o Regulamento de ordenación da información xeográfica e da actividade cartográfica de Galicia, **na** medida en que recolle que, a ordenación da información xeográfica e da actividade cartográfica **en** Galicia, lévaa a cabo a Xunta de Galicia.

(6) Polo exposto, estímase xustificada a utilización do **instrumento** do convenio para articular as actuacións de referencia, quedando o devandito convenio fora do ámbito de aplicación da Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014., con independencia de que, de acordo co previsto no artigo 4 da devandita norma, lle sexan de aplicación os principios desta Lei para resolver as dúbidas e lagoas que puidesen presentarse.

Para todo o non previsto neste convenio de cooperación estarase ao previsto no Acordo do Consello da Xunta de Galicia, do 27 de marzo de 1991 sobre convenios de cooperación con outros entes públicos e de colaboración con particulares, publicado por resolución da consellería de Economía e Facenda, do 8 de abril de 1991 (DOGA nº82, do 30 de abril), na Lei 1/2016, do 18 de xaneiro, de transparencia e bo goberno (DOG nº 30, do 15 de febreiro), no decreto 126/2006, do 20 de xullo, polo que se regula o rexistro de convenios da Xunta de Galicia (DOG nº 149, do 3 de agosto), e demais normativa de aplicación.

Este convenio non supón obrigas económicas para as partes derivadas do mesmo e non xerará aumento dos créditos orzamentarios do IET polo que non precisa memoria económica, segundo



establece o punto terceiro do acordo do Consello da Xunta de Galicia, do 27 de marzo de 1991, sobre convenios de cooperación con outros entes públicos e de colaboración con particulares.

As cuestións litixiosas que poidan xurdir na interpretación ou incumprimento das obrigas que se deriven deste convenio de colaboración e que non puidesen ser dirimidas pola Comisión de Seguimento creada ao efecto, quedarán sometidas á xurisdición contencioso-administrativa, de conformidade coa Lei 29/1998, do 13 de xullo, reguladora de dita xurisdición.

Para a tramitación deste convenio, observouse o cumprimento dos requisitos establecidos na Lei 40/2015, do 1 de outubro, de réxime xurídico do sector público.

Santiago de Compostela

02 DEC. 2019

O director do Instituto de Estudos do Territorio

Guillermo Eula Pérez



